

存素堂詩初集錄存

存素堂詩初集錄存卷九

柏山 法式善 開文

庚申

上朱石君珪先生

小草生空山久已忘榮頌冰霜晚節勵本根焉敢棄春飈自天
嘯岩谷陽和被敗葉新露養炳綠夕陽媚乃知葑與菲于霄本
無意一旦侶芷蘭蕭疏殊有致孤芳結幽賞庶祛泥滓累

維公今大匠萬類受陶鑄賤子謫劣材亦獲奉趨步仰見真性
情而無私喜怒道存境每忘形疏神乃固人坐春風中各得其
所遇天下諸大事犁然方寸具蒼生方託命區區何足數
溫柔敦厚教孔氏所不廢公詎詩爲重詩微公幾晦平生學道
心偶藉文以載浩氣充塞之卓然天地內匪同章句儒下筆博

人愛所以公立言無意駕流輩驅浮振靡功不徒起八代

雲翻與雨覆俄頃現萬狀惟有大智慧乃能破塵障公持清淨
根富貴貧賤忘燃燈闇道中初無人我相然而夜行者各各去
機杖沈灰濯外垢發刀割內妄直於色界中靈蠢皆有肌詩龜
弗莊嚴光明久不放願借屋月力拜公松閣上禪耶卽詩耶一
言定趨向

初春新浦道中同曹秀才華閣作

不羨江湖汗漫遊策車疲馬足尋幽荒郊日落愁逢虎野水春
寒喜見鷗柳綠未勻雲半掩麥青初活雪仍留僧雛也解趨南
陌貝葉香花空佛樓

莫韻亭

賒萊

侍郎邀同夢禪居士小酌觀夢禪作畫卽

題其畫鷹後

虛堂悄下簾不異薄寒中良朋集三五偷閒筆墨弄簷角日微
紅松根雪猶凍夢禪老居士揮毫愛奇縱桃花及柳樹頃刻出
岩洞忽然發首想四壁風雨開蒼鷹來何時深穩一枝狂羽毛
旣愛惜雄才敢自貢鬼樓斂光彩坐聽幽禽哢驚氣久漸除何
心侶鳴鳳侍郎仰天笑手啓葡萄苑人生僅百年一年幾日空
且飲杯中酒此醉竟須痛恣外起春雲濛濛紙上送

柬朱素人

春明作畫家不下數十輩我識君較遲君亦深自晦去年風雪
中就我一牀對冷酒澆熱腸槎枒森百態生平嚮道心隱寄筆
墨內畫水惟畫聲畫山不畫黛一若腕所到山水無窒礙擬買
田十畝荷鋤種花菜謝蠶淫西春雲益城背

時爲余作
西涯圖

顧改庵鶴慶郭原庵望邀同人小集

有老詩存卷九
二
人生重朋友何必時對面一言苟契合百年終不變古來詩畫
流匪直技藝擅其中必有得充然自發現二子與我交喜無世
俗見微寒散庭陰淺紅勒深院酒氣吹上天春雲凍成片興至
百憂釋形忘萬事便停杯不忍去年華去如電巷口日西斜飛
入兩歸燕

莫韻亭侍郎賦驛柳詩甚佳余倩顧弢庵作驛柳圖

人非仙佛流孰能無嗜好我生愛詩畫頗能窺其妙喪志古有
誠竟被筆墨繞快讀驛柳句遂欲爲寫照荒村秋無人老樹夕
陽弔淒涼感客心騎馬年年到圍成掛東壁烟際一蟬噪

夢中得春催十四字醒足成之既索鮑雅堂汪杏江學

金和詩並倩顧弢庵作圖

寥瀾江城縱遠眸開樽兀兀不知愁夢中春催萬樹綠成水天

通一降青大樓鐵石心偏能作佛烟霞氣究礙封侯漢中詩境
清虛甚且畫長圖當臥遊

謝薌泉同年 授禮部主事賦紀 恩詩屬和余既違
其請作此以報

讀君紀

恩詩輾轉淚潸然我愛

恩最重才拙詞不妍每欲述始末筆墨無由宣又苦押強韻大
將旗難舉與君捷春官星照二十年相看髮鬢間白雪皆盈顛
報稱竟何有默忖心悵悵君昔奉使節兩上吳江船楸楠杞梓
材岩谷勤招延繡衣跨驄馬馳騁天橋邊至今長安氓猶凍焚
如烟薌泉官察院時有
災重事人多憚之我抱古文章紅燭輝青氈酬醉本踈懶
措置多拘牽駕駒易顛蹶何怨何尤焉上蒙

聖人知宥過垂矜憐俾復棲蓬瀛緩步翔花磚篆筆承明廡永
畫調丹鉛

朝廷諸經制次第排年編平生迂濶見對此一一捐君亦典
邦禮考古鬻精研宗伯大著作手筆推許燕以心許

國家職業視所專何必赴沙場親持戈與鏃有酒且斟酌勿使
憂中煎山桃及溪柳隨意酬詩篇會當芻蕘開重訪城西偏迷

濛春雨中佛院花娟娟

以中春與蕪泉賞花賦詩
城西諸名刹遊覽殆遍

喜鎮堂師抵京有期同單渙先生作

絳縣多年絳帳遠開緘計日倍依依綠楊風起春先到紅藥花
開客綬歸聽雨教誰分一榻著書竟自掩雙扉門生尚有侯芭
在問字城南坐夕暉

且園十二詠

小山

茲山雖培塿亦具向背勢花氣澹春陰坐待新雨霽

石筍峰

海上風雨聲壓此石脚底大力負之出稜稜見根柢

錫光樓

釋典既疏略酣睡佛光中黃塵抗十丈煩惱時一空

烟雲室

有書弗能讀莫若無書好一燈借酒消笑樂不知老

存素堂

我本田間人簪紱何心戀虛堂貯明月空天青一片

陶廬

秋菊瘦無影一廬掛寒日欲和陶公詩愧乏坡仙筆

詩龕

有詩便有龕何必著跡象五城十二樓皆作如是想

小西涯

西涯萬楊柳不縮西涯愁年年綠如昔蕭散春風樓

行西書屋

曳筇略約西溪風撲衣冷暗水明夕陽一竿釣秋影

有竹居

此地值寒竹當作良友看遑敢侈言多隣風三兩竿

石輞

豈有石作輞言其精潔耳花氣薰午闌搖撥坐春水

來紫軒

丹陽初吐山先暖庭前樹桃花紅近人倚榻且小住

克勒馬歌次賈溪先生韻

驍駟翻游長瀾紅雲旂風旆駢駢弓銀槽金鎖示神駭克勒馬
騁天門東維王翊運提戈櫓錦衣繡帽蒼頭公薩爾濟岡數大
戰奪壕摧楯真英雄頃刻斫破十二壘父子兄弟咸一衷馬也
與人同志氣吉林匪擊恣橫衝遂殲明兵一十萬此馬所到王
成功振兵釋旅告天下招蟬實出兜鍪中沛艾牽來感今昔驚
帆曾碎冰千重忽雷駭飲明月底酒香秘翻迴林松側聽鼓聲
響鈴閣龍顛搖動歎生風凌烟畫手補寫象丁香叱撥桃花駿
汗血騰騰透紙背兩耳尖聳思奔虹移光趨影描不得瓦爐鼻
紫胭脂融角肉腹毛隱鱗甲辨種識是溟池龍稱力稱德古有
訓良驥報主惟精忠韓築餘趙味辛五言長城擬我欲制勝偏師攻
蘇齋一似對韓幹浣花魄力吟花驄北林小兒怕仰視赤將軍

過雲濤從幾回展卷兩目眩想像斫陣斐芬降造物生才固不
偶是人馬靈氣鍾天潢毓秀篤騷雅翰林沈醉墓神蹤何不
雕鏤播湖海遠勝持勒騶石鵞英姿蹴踏筆難下重磨強韻諧
雙編去歲會爲韓旭亭題
船出所畫克勒馬圖

柬張山公石

詩情與畫理兼之乃名雋此身屢窮餓所業益精進濛濛清江
水汎濫君筆陣畫宗李伯時詩倣倪元鎮秘茲冲淡旨獨向本
源濬茅屋瓦燈滅丹樞春花燼一丸古明月沁人肺腑潤雅意
慕詩僉毫素託介僨笑我百無成虛名湖海徇行當閉雙扉課
童種蒿蔽君能載酒來屐齒蒼苔印

喜劉敏齋瑞至都

桐城多詩流海峰猶健者百氏恣汎濫豪情自抒寫君克傳家

學篤志親馳雅京兆兩報罷喟哉直賞察券驅出盧溝黃山浮
翠聲再入春明城訪我梧桐下相對屢歎息歲月如奔馬惟當
掩關坐陳編終日把文章雖小道有真亦有假花鳥足吟嘯細
瑣漫擗搯綠漲西涯西紅蓮萬枝哆曳杖步柳陰拈韻詠姪姪
天風散夜涼不愁殘燭施

掩關

但覺掩關臥此心時一消大風天外起孤月枕邊明俯仰感身
世饑寒累弟兄長安花正好獨我負春晴

清明日宿村寺

形瘁神轉榮官退詩乃進積賤引咎薄處高適意僅散步城郭
外低首僧衲訊屢提結遠慕林木帶清曠踈紅杏厂窈暗翠松
寮潤雲磴糾煙蘿雨泉漱寒飯孤磬響春永殘燈燒夜燼少年

志勲業凡事勵忠蓋野鷗究愛俯駕馬時一奮悃悃浮譽謝凜凜晚節慎庶幾清淨葆隱約香火印

吳種之比部借令子春麓太史

廣女

移居小西涯

人指揚雄居今爲庾信宅門前蒨楊柳依依戀行客百頃苗蔭花開向月中白當日李荅陵會此娛竹石招搖邵與喬樽酒論詩格沈翁及文子點筆寫寒碧佳話播洶海至今猶藉藉君家喬與梓大小兩詩伯十載春明城惆悵江鄉隔煙水豁兩目蝸廬不嫌窄雪韭逆萊畦風荇散魚柵壘壘抱楚鏡書車驅絡繹又見懷麓堂重倚慈恩闕死坐吳蓬底浪浪春雨夕肯廣西涯篇我來說舊跡

李青垠欲借榻城北僧寺就余說詩兼約陳念齋願跋

菴同作

少年薄功業多難乃知悔意氣重一時人生無百載惟有雲龍
交纏綿心不改月滿春明城濛濛宛湖海聞君傲蕭寺山僧蒼
椀待我時闢北牖鐘磬聲斯在從此齋粥餘聽雨懷人每子昂
詞鏗鏘愷之筆硯礪相得道益彰真味託蘭茝雅鉅援自綏善
行敦不怠志士耻名譽才人惜光采我當乘夏涼夕陽花覆藁
曳杖松竹間坐破石苔薈天酒分半瓢滌蕩塵襟猥

題舒白香

夢蘭

和陶詩後卽送其歸靖安

子瞻不羈才追和淵明篇用世抱隱憂心苦詞纏綿君挾一枝
筆攻陷陶蘇堅憶昔官箴詩讀龍情翛然我時擬柴桑意已忘
蹄筌停雲肆高詠雪館孤燈圓古今逸唱和前後誰媮妍道味
溢楮墨逸響鏗風泉清曠自絕俗一氣空中旋縹緲匡廬峰竹
柏青娟娟花氣四時永春雨東林偏君雖不飲酒酒德君獨全

右
君雖不著書書理君獨研浸淫而酣適糟粕胥棄捐看魚至濠
上叱犢來中田狂吟叫明月高枕梅花眠

次汪杏江招同人柏林寺看花用東坡送叅寮韻邀諸

君子遊極樂寺

山水澆肺腸春堂坐亦冷松柏被陽和黝然抱孤穎豈知文字
禪幽光寸田炳出言契道蘊陳腐化新警天香散蒲褐一切塵
事屏惟有簷前花照眼出華靚老僧與護持寒泉汲古井幽芳
葆自固宿垢去宜猛風觸便生香燈來遂留影此理隨物具物
動理常靜焉能離斯人別有超妙境城雲暗入樓林月悄橫嶺
相期氣誼敦不嫌情話永選勝極樂場吾方申後請

重葺古壘齋落成胡蕙麓大令邀同人小集

衙外西涯水獨沿壁間北海字重鐫宛平今例詩人作刺史詩

應我輩傳山色忽低雲影濕苔痕不斷墨光圓凋殘六礎今餘
幾丞相祠堂綠黯然

古藤新竹碧交枝小吏催鈔八詠詩一代盛名真不負

謂覃溪先生

百年佳會最難期雨蒸石氣霑衣重天勒花光出檻遲近說蒲
鞭聲亦歇日傾濃墨揚殘碑

輓武虛谷

讀書難得通作官難得好官固不論高書亦不嫌少我友壯盛
時萬卷恣幽討垂老益窮經研苦枝葉掃窺見古人心不爲古
人繞一語抵千百羣疑頓了了更聞君聽訟民情辨及早挺身
護良禾奮怒拔勁草坐失上官意遂註下下考飄然返故鄉踪
跡託鷗鳥朝采南山菌暮茹東溪蓼抗懷激風清披襟對月皎
惟有石墨光足以娛衰老胡爲解脫速超然謝塵表君生人鮮

知君死世多曉直聲達

九重榮名以爲實身死名不死貞魂貫穹昊况有子克家允矣
箕裘紹

重建古墨齋歌

良鄉縣學雲麾碑刳稜剝角柱礎爲校官如此不識字瓦礫雜
處過問誰宛平李侯三歎息輦至官舍常楹楣古墨齋扁敬美
署北海精氣千秋垂瑤石作記重惋惜歐朱李輩爭題詩唐故
雲字認宛在帝京景物猶畱茲大梁京兆宦橐重盤盤四礎居
然移晨星寥落餘者二何年昇向文山祠香火入戲鴻帖以
訛傳訛疑傳疑胡侯嗜古政多暇松風吹綠茶甌漪疎篔簹畔
竹人立古藤幻出千花枝侯也掉頭忽狂笑白余復古余奚辭
蘇齋歸然靈光殿鞭香况乃侯之師勒石東壁墨飛舞雲霞紉

縵蟠蛟螭三百六十有
三字李侯所得今倍之
天寶文物世有幾
賴侯寶護存如斯
琴堂奕兀舊觀在
靈昌銜系何人知
尚煩日灌西涯水
勿令寒蕪昏煤滋

韓旭亭

是升

邀同程蓉江

蔭棟

吳種之小飲

我歲始半百精氣未衰老
掉臂少年場每自增煩惱
譬如湘沅蘭芳馥松柏繞
又如鷗與鷺放浪烟波好
寒雲堆半山曳杖來何早
黃塵天外颺白髮尊前嫋
蕭然數君子相期晚節保
殷勤不我棄妙義恣幽討
嘯歌取適意無事託深窈
地靜產名葩天空縱飛鳥
強飲希薄醉蕉葉何嘗小

喜雨歌次朱石君先生韻

虞舜有道皐繇歌

君臣一德陰陽和
北方春雨恒不足
山雲欲起迴溪沙
昨歲雪

大地氣溫麥烟隴上猶吹波

聖主深宮念民瘼微公燮理其伊那赦罪屢下

寬大詔紛紛燕雀辭籠羅狂直

天詔且旌獎此人原不愧登科對菲未必資採擇激勵士氣要
足多八表春風慰澤鴈九重新露濡關駝夜淋甘澍聽清切潤
物奚待漑乎沓落花不掃紅兩寸曉鬢乍沐青如瑳農夫箕袂
殷抖擻書生硯匣頰摩挲黎民順則天亦喜廊廟之志同林阿
下簾半日圖靜坐冥濛香綠浮樽犧

史館與王儕嶠森編修話舊有懷王惕甫學博

津門昔

召試二王名最顯嶽崑擅異能半生心迹斜與我皆莫逆道義
時勸勉一直承明廬梅樹比寒蹇春風活病葉行見官職轉史

館接硯席日夕聆清辯一猶滯江鄉伏案禿毫吮填胸傲岸氣
海波共舒卷愛我信真切竿牘寄忠譽白雲江嶼飛明月林屋
眇安能搗二君樽盃酌茗旌韭花露夕摘菘菜霜天剪猶憶方
雪齋挑燈興匪淺高歌師古人掉頭徵故典酒酣寄悲笑放誕
時不免事隔三五年青山餘眺緬餐飯幸未衰努力前言踐

王惕甫學博以薄荷團扇侑詩見貽

熱氣熾庭戶中腸正焦渴故人遠寄書白雲影天末青青薄荷
葉經君親手割更有兩團扇千里幽思達侑之以詩篇筆墨迹
全脫恐我道力淺當頭下棒喝藥石雖苦口肝膈頓做豁積垢
爲掃除清風兩腋活披襟坐詩龕一蠅林際聒東軒過小雨西
山涼翠溼不知江上烟幾分潤蒲褐

謂述庵
侍郎

獨直史館戲柬汪杏江侍讀劉金門

鳳詒
學士是日考
試差

我以腕疾作不能寫細字有如戰敗將交綏輒引退然聞金鼓
鳴復思據鞍轡二君飛將軍文壇屢拔幟昨聞汪倫病流水託
情思三日未打包老僧一庵睡學士性疎懶少飲便沉醉夢裏
哦詩聲深夜攪松吹放筆賦初日借題抒已意腰腳我尚健奔
走忘劬勩虛堂闕無人雙燕悄然至來往綠陰底呢喃訴何事
爲我被寂寥或亦耽清閑夕陽殿角斜抱書散羣吏趁涼策馬
歸日極西山翠

於莫韻亭侍郎筆頭讀許秋岩太守詩

談禪青友軒篔頭見佳詩古香沁肝肺不矜態與姿恍惚入深
山縈拂梅花枝歸家望天末觸我懷人思淵淵秋水閣一江阻
隔之回憶廿年事石火光中馳晨夕登君堂風雨傾君卮君家
三昆季皆我一字師及今過城南未免渴與飢茗椀事歡笑心

迹無人知

君作郡十年聲名溢京國蒼黎果裨益何必高官職世間浮毀譽原自不可測本志能無失此心終有得蒼茫歷萬古知白乃守黑我今百舉廢所事惟筆墨又苦讀書少浩氣未充塞涼天
荒草多秋蟲吟唧唧鐘歇月在林夢見君顏色聽罷飛鴻響翹首滄洲憶

吳竹橋同年書來道及諸郎君成立能以筆墨業其家

且述近日得舊書數種藉以自遣有蕭然自得之致

我策薄笨車史館爭迴翔日隨諸英才橐筆趨王堂低頭思舊

侶聚散能無傷死者長已矣

謂雲壑秋史
蘭翹諸君

生者天一方功業我

勿知知子工文章是得山水氣以發詩書光鍵戶二十年衣袂
雲水香書來示近況故人天末望佳兒列三五玉樹森成行時

參畫中禪萬事娛清涼放筆天地小一醉身世忘浮榮與外譽
不足縈君腸惟有讀書鏡夜深青燄長我懶今愈甚覩顏詞翰
場來歲瀛洲亭摳衣待賢郎

題黃左田

鉞

畫三江夢尾圖

附原祀鉞與趙菑溪唐榮朱仰山嗣韓同爲乾隆戊

申利舉人菑溪名在浙江榜尾仰山江西榜尾鉞江
南榜尾菑溪與鉞又同年庚戌進士仰山亦以嘉慶
己未通籍庚申夏菑溪將往吳仰山亦請假鉞方以
薦來京師而二君者遠別去爰寫夢尾三朵以誌離
索之感菑溪其藏之

清秘述舊聞搜羅苦未徧榜首一一詳餘頗闕記傳豈知江上
花夢尾九春綢天姿富貴成本性深穩見空闌寂無人芳氣闕
深院無言墮桃李攀條荷清眷從此風塵中不復傷微賤相期
葆歲寒晚節各研鍊我固賞奇人佳話聽不倦移榻碧梧底趁

涼續殘卷

梅花溪上圖爲錢立羣題

前身非梅花何來此溪上形勞心自逸夫君天所放小小寫經樓
久坐地夷曠鶴守門轉閉鷗見人不讓寒綠起遠林幽香足
春釀過橋人影稀墨氣一池潑倪迂清悶閣米顛書畫舫詩龕
隔千里山頭明月望

直史館呈石君先生

萬樹綠猶滴一蟬吟不響幽花媚夕陽半庭秋氣養永晝掩關
坐道心進日儒史館課程繁故人約同往地迥得高寒心適忘
鞅掌清風暑氣奪靜懷塵慮壞要知天上居坐久地乃廣所愧
缺健筆望古徒馳想東塗與西抹毫不着痛癢庶挹北斗光靈
區欬開朗

少苦乏師承讀書務博覽義理未融會精采致抑揜譬比無名

花嫣然空谷自開還自謝詎期世採攬一旦侶蘭芷相形傷
藹脆幸過擷芳人結嗜到昌歆晨滋軒露明夜謝岩雲閣樛散
見本性倔強夫何敢心佩有道言終身知已感

齒毛在我身未嘗須臾忘及時自脫落棄之如糞糠能不滯於
物乃工御物方樂意苟相關隨境皆文章數花開簷底一鳥鳴
其傍熟聽聲嗜嗜舊侶求皇皇山頭雲影高殿角風吹涼神仙
世上少日月壺中長飽讀孔壁書典謨訓誥詳滌茲謗陋胸蹈
彼鼻夔夔

雨中祝簡田遊太史醫郎君仁泉必三秀才以詩龕圖

詩見貽

詩龕茅屋耳僅足蔽風雨四海說詩人圖成快先睹東坡與斜
川好句絡繹補寶劍贈知己於義或有取積霖花霧曉睡起已

晌午蝸篆視底蟠
蘚葉石縫努遠青
歛夕陰殘鐘散餘
暑燈昏月不上竹
外雙螢吐繞廊吟
君詩恍對君笑語

陳雲伯文述自浙中寄畫至

寄我一稜山附以十行字
山清有別趣字少具深意
我拙百無就讀書抱微志
徵文更考獻頗足資觀記
傳聞浙東西典章一代備
阮公封圻臣扶輪是其事
時和風教敦新詩望頌寄
我將掃秋憊白頭一庵睡
待君射策來碧桃花下醉

寄郭祥伯

颯然江上風響我庭前
竹中有於邑字覽罷爲一
哭停絃望白雲梅花偃寒
鸞美人傷遲莫君子慎幽
獨世無九方歎老驥等凡
畜良王待善價詎肯輕出
櫝高舉謝塵鞅秋風滿岩
谷名山未見書年來當補
讀筆墨鬱奇氣荀蔚香勝
肉有意長安花吾

當掃茅屋

文信國琴歌次朱石君先生韻

大絃小絃聲同哀，妖波夜沸發處台。百官拜表祥曦殿，孤臣捧
詔青原來松陰。月黑猿鶴嘯竹燈黯，淡風恢恢秋泉不響絲桐。
激江潮無信亭臯，摧黃龍此時未入海。白雁一至臨安，災驅羊
搏虎。是何意肝如鐵石，聲如雷。君臣之恩以絃合，文蘿山鬼爭
喧。歷絃非絃，兮指非指。二十八字懸星魁萬里，壯懷倏淒斷蒼
厓。白石空低，徇竹如意碎琴心。死玉帶生又殉西臺，汪水雲製
無乃是冰清雪。罨隨殘魯吁嗟乎零丁洋詩，取並讀丞相豈非
文武才。近有議琴刻詩不
能謂琴爲屬者

答陶鳧香梁具中寄詩

君昔叩我門，槐雨染階綠。題詩破壁間，我歸掃蒼讀。乃君買船

歸日荷松楸哭轉瞬今兩年憚暑我掩屋忽憑雁飛影千里隨

波觸良晤不可覈前夢恍如續好士誠鄙懷虛名乃折福

鬼香寄詩

有好士易招流輩息才名終荷聖人知句

買山笑無術一廛早已卜床頭三尺書

墻角百竿竹涼月長依依清風時謾謾吾將侶漁翁笠簷篋
足君倘訪溪上可就葦間宿

題張鑑庵

丙辰

梅柳江村圖卽送之嚴州太守任

別君六七年顏貌愈清瘦運籌佐戎幕草檄萬言奏歸來臥一
庵布袍換甲冑宦囊雖蕭然尚餘青半岫朝雲苦相伴坡老不
孤陋前江春雨生後江春水皺持向桐廬觀此蠻而彼秀
昔年阿文成稱君好氣度勢歛心志平含融知有素我時屢接
席未見輕喜怒畫者微窺之但爲寫自趣不取形似工庶幾精
神遇屋南種梅花屋北種柳樹日日坐江頭放眼看白鷺

蘇齋辨金石今世幾無兩引君爲同調君學益可想我雖賦性拙識字頗勉強君從湘南來岳麓刺船往石上古蘚花手拍已不響終古明月照一山白雲養聞君所揚碑字畫尚清明

我夢桐廬山夢中殊不知作詩得好句一笑恍遇之君今官此郡江綠吹漪漪瓶中剩殘墨爲揚巖陵碑輕舸載烟客魚菜款畫師是山不是山是詩不是詩如此寫桐廬乃足慰我思

六月九日李西涯誕辰鮑雅堂汪杏江謝鄉泉趙味辛

張船山周西麀宗杭集詩龕

詩龕雖移居繞居仍清溪暑雨積三日溪水時平隄紅蓮高兩

丈挺身出青泥年年六月初賞花西涯西醜酒壽李公蒲筍襍

黍雞今歲禪侶來入門故事稽謂靜里論事每平心未肯輕訶

詆諸客感前會零落增慘悽生者烟樹隔曹儷生洪雅存石珠堂草石樓顏運生何

關士王惕甫宋梅生

吳蘭雲金山諸君

死者秋墳迷

羅兩峯王詩 我遺語諸公物

我焉能齊日暮散羣雅各就林間棲李公墓已刻麓堂詠重題

照人西涯花潭影深鳧鷖

祝簡田太史次拙韻竝約登得雨樓看荷

先生過愛我不覺忘我醜豈知日偃蹇老比西涯柳亦時思振
刷萬慮紛結糾開拓萬古胸或藉幾朋友騎馬湖上行荷花識
我久高樓未一登深愧不飲酒花應笑我俗我欲向花剖先生
善排解隔夜約詩雙韓旭亭岸風吹帽涼苔綠上階厚檐轉圓
導人船爨客買藕偷此半日閒湖光竟我有借問西涯花種自
西涯石

立秋前二日同鮑雅堂吳穀人汪杏江趙味辛張船山

集謝藕泉知耻齋迎秋

西涯修禊記前期

戊午立秋前二日約同人於西涯風詩

又到西涯折藕時出郭

風光閒始覺欲涼天氣病先知井梧不肯傷搖落驛柳無端賦

別離

寂人船山詩賦驛柳詩甚工

更約斜陽衰草外秋增掃罷詠新詩

藹泉

修西涯
慕引

李載園過訪詩龕不值

年年接君書如對君夜話烏絲字未滅南窗一燈掛荒露洗荆
扉午風掃松廡我友惠然來詎肯嫌湫隘貧家無長物梧葉尚
不壞樹老花自醜庭幽石逾怪君負米老癯人門必下拜一朝
促膝設十年慰清快咫尺淨業湖仙蓉列晚砦衰柳斷堤邊有
人菱藕賣同志約三五努力償詩債

張水屋自蜀巾寄詩集至首章卽懷余之作感賦

張顛居長安賦性實徧強乃我愛之甚君亦獨我賞而月不數

見見輒心志爽片語品詩畫微妙世無兩一筆半筆出十日五
日想閉門寫性情冷冷秋泉響君還得自君子古絕依倣世徒
詭神速君益增怛快騎驢走市肆託醉寫航髯黃金隨手散曰
髮盈頭長一官逼君去聞道青天上圓蔬課僧藝溪魚呼婢網
酒氣與墨氣江風吹欲泝君爲牢籠之萬態隨俯仰傍山築水
屋地隘心自廣彈琴憶朋舊賤子荷推獎憶遊極樂寺長嘯振
林莽丹楓及黃菊粉本寫清朗見花不見君聞鷓鴣悵孤往行當
圖君句一一告吾黨隱庭坐捫虱此景可想像

集中有廣鋪曠
日坐捫虱池澤

春流婢釣魚之句
余書楹帖詩贈

驛柳詩四首次張船山檢討韻

山邊陰自水邊晴此柳何心縮送迎旅客流鶯徒伴語衰年去
馬怕留聲月昏寒色黃無路雨歇春烟綠在城憔悴可憐猶古

道生平不識亞夫營

當年感爾染宮衣老樹婆娑已十圍石室日高雅不睡茅亭花
暖燕仍歸條會繫馬休輕折絮倘沾泥莫更飛詎少間村耕釣
侶柴門沙瀨鎮相依

濯從秋雨晒秋陽那辨他鄉與故鄉身世百年多過客關河千
里況飛霜小橋流水思前渡明歲春風是後場草長鶯飛感興
廢烟絲露葉一行行

貔貅十萬下荊州鐵騎金風漫寫愁老卒有人思報國將軍一
輩又封侯斜陽孤館偏諫雨衰草長隄未斷流我不天涯感搖
落紙窓竹屋自吟秋

謁圖裕軒曹慕堂二先生祠

行到翠微頂更無人語聞姓名傳二老色相證孤雲暗壁嶙峋

納虛巢鶴影分商量秋圃句清嘉繞河汾
裕軒先生築野圃種秋菜最佳慕堂先生

刻河汾諸
老詩集

存素堂詩初集錄存卷十

柏山 法式善 開文

庚申

倪齋西成許以所藏桑梓前輩詩集借鈔

君生將相門而好弄文墨山光補樹缺好句從何得倪齋得雨樓聯句云

洗出山光當竭缺縱談百年事浩落捋胸臆君年才三十乃如此

此殆具夙慧毫不藉人力及叩所誦習百家多記憶家貧書尚

在發篋弗我匿嗚呼茲豪舉大足徵學殖鐵公開選樓搜索編

京函我嘗爲購訪日昃不暇食聞幽有同心故紙共拂拭豈渠

英爽憑藉君啓鬱塞存人幾賸句勝活數命德君子不望報至

理固罔忒吾輩一舉動但期慰淵默涼天買濁醪邀君過城北

水石生幽姿松菊榮晚色露重草亦香月高林不黑禪榻坐聽

鐘階蛩任啾唧

速鮑雅堂題詩龕圖兼訊拈花寺齋期

參軍詞俊逸下筆每矜重佳會適相值豪情時一縱詩龕富竹
石尤景易研綜胡爲日閉門清詞絕吟誦豈果天籟發不由人
作用當俟其自至妙處心賞共秋雨斷行客蘚花綠無縫葡萄
亦已熟蘑菇不須種晚晴款蕭寺老衲燒筍供新詩頃刻成佛
堂了殘訟

六月晦日李青琅招同吳殺人鮑雅堂汪杏江顧改庵

小集晚過具園

炎氛如酷吏中人逾斧鑕積霖如貪夫會不計滿溢比憲雖清
涼此竟無術晨起踐良諾簷頭掛紅日微風習習生暑氣一
天失始知秋意萌山水孤烟出閣軒沉幽敞花竹亦服逸頗怨

鮑與汪談禪坐芥室松脯已飽餐
那我飢腸卹過午驅車來入
門呼酒疾錢塘老詩伯吳穀人
倚牆揮醉筆斜陽轉疎林草根冷
蟋蟀乘興訪具園小景
輞川匹我是裴秀才誰作王摩詰

七夕汪杏江招同吳穀人鮑雅堂謝薌泉趙味辛張鵬
山芥室小集分賦洗車雨

洗車雨天上來眼中淚心裏灰
長橋宛宛雲門開爾車不行胡
爲哉安得祝風吹雨行銀河
倒瀉玉壘城洗車不如還洗兵
長安春雨貴如油秋霖過多農夫
愁車上之塵盍少畱君不見耶
牽牛

具穀人前輩勘定拙詩并許爲序

我詩如清醞君詩如醇醪成就有高下
原本皆風騷廿年步後
塵文讌陪翔翱王堂春晝閑伴君親揮毫
烟水染衣綠海棠花

影高青山何日買白髮臨風搔詩卷在天地氣象空吾曹瓦缶
自夏擊無意諧雲墩詎期老鳳凰翻喜寒蟲號

微材荷獎屬感激逾終身溢分豈不慚黽勉歸吾真救人出水
火世遂稱其仁文字重因緣時或傷湮淪鼓吹仗大雅推挽傳
千春西湖秋雪庵百頃烟波新詩瓢及酒盃不染人間塵長安
日徵逐難療生平貧三間打頭屋風雨資吟呻

我有百畝田遠在北山北性弗辨黍豆地乃委荆棘老僕買一
牛行將學稼穡水風散晚涼林月吐秋色土甕燃松柴酒漿翻
頃刻薄醉臥岩石寒泉掬可得狐狸不畏人夜深嘯枕側一鐘
響斷續百蟲吟啾唧真詩隨物具我祇寫胸臆先生倘肯來祇
攜半壺墨千峯與萬峯蔚作詩人國

送何蘭士出守九江

太守方面官九江衝要地君愛

天子知乃膺此重寄人方引爲榮而君益惴惴書生百不諳焉
克任外吏吾獨謂不然斯正書生事民心卽我心一室九州備
君家敦孝友子弟氣和粹書聲起外堂羹水調中饋琴瑟及璫
簾春風一一被舉此加諸彼何民不整治

君性特清妙山水秋夢繞此行及吳越一帆極幽宿無窮登眺
心對茲可以了潭底探吟龍岩端躡飛鳥望見香爐峯烟重塵
林表塵穢風月多陶宅松竹少攬秀匪君事救弊功不小草青
生意堂靜對春寰曉

憶我與君交忽忽十五年身心藉培養不徒文字緣夜聽北郭
鐘朝采西涯蓮沉醉鰕菜亭抱石三日眠掃葉蒼雪庵倚樹聽
流泉我亦時訪君老屋孤燈圓長公愛結客竹榻南榮懸諸李

皆友愛翁也。尤余賢。一旦遠別去。詎忍瞻君船。彈琴續詩話。焚香參畫禪。功業我則無。前途君勉旃。

以拙文質題味辛舍人且訂西山之遊

文章無古今。惟其是而已。我人筆硯焚。見獵輒心喜。東塗與西抹。究未窺奧旨。世人好延譽。瑕疵孰肯止。先生我石交。攻錯他山比。秋鏗徹夜圖。雨聲響不止。佛堂清磬動。蟋蟀孤吟起。千古英雄氣。消磨都由此。君擬振衣去。搏風九萬里。我年四十九。股股鑽故紙。光陰行自惜。精力豈不穉。結習苦難忘。何心炫華美。積潦斷行客。閉門三日矣。君廬隱葭葭。渺渺隔秋水。蓄酒待重陽。西山殘照裏。飲君三百杯。菊黃及蠟紫。

七月十四日百祥庵老衲導余拜西涯墓

野寺雲際歇。孤村林外斷。山氣翠濛濛。秋影草天半。下馬過

碑鮮澀字痕爛老僧導我前危橋荒草漫掘衣涉行潦足蘭背
浹汗掃石蟋蟀唱翦榛狐狸窟敬告西涯翁墓田復舊觀造物
誠忌才身後猶遭難幸逢賢宰官謂胡宛平定此一重案始知顛倒
中天固有成算湮淪三百年照雪在一旦公名自山斗蜉蝣奚
足憚僧若解斯意仰空發浩歎夕陽屋角沉牧童叱牛散

贈曹復堂善

我不識古書點畫但粗辨孫公自江南遠寄鐘鼎篆書中論時
髦生也稱冠冕冒雨訪詩僉策蹇踏溪蘚墨起嶽雲重風來湘
扇展碧石鑄赤字日逃手空撚會贈書扇石印秋堂淨如洗竹石映婉
藥病僕儼枯僧守門仗黃犬充盤乏梨栗澆腸祇茗薜君弗吝
齒牙媿媿精義闡笑我懶廢久時喜徵故典江湖傳好句二難
增眇眇時論及許香岩秋岩昆仲結交古所難把臂緣不淺城南僅十里到

門每多舛睦彼清閨閣圍坐秋鉅翦

謂蕭昆田潘笠舟

飄然雲夢雲西

涯任舒卷行當煩椽筆手署龍堂扁

西涯祠成擬請曹君書龍堂扁

贈周省齋明球明經

昔我爲文章頃刻萬言就鬼神若忌才兩腕病發驟每際下筆
時十指成贅痛得意欲疾書牽左更掣右清興索然盡落紙傷
蕪陋是使我不才費皆腕所構十年訪良醫多方施補救參苓
竟無效繼之以針灸周君舉制科學問天人究岐黃特餘事數
語理說透心正始筆正此論豈悠謬行當坐空齋萬緣謝奔湊
依稀黑松底一線月光逗得主則有常百體聽奔走他日登君
堂一覽湖湘秀好句寫胸臆磅礴擅衣袖此筆天所與此臂君
所留

送陶蔚齋象州司馬

憶我官司業時年方三十君年二十餘青袍黃鶴立氣象既岸
然下筆絕沿襲論文時契合相見時一揖別去八九載橋門我
再入君復來司鐸詩龜般負笈槐花滿地黃秋雨天街濕鵬飛
九萬里乃息百里邑凜茲民社膺皇皇如不及念已亦百姓百
姓待已緝一夫苟失所此咎將誰執松風響玉琴三月盜氛戢
天子晉以官疆吏需之急君愈歎抑甚撫躬惟感泣前途君勉
旃必克大功集心虛衆善歸氣下百僚挹

同胡印渚登蔣氏平臺望淨業湖

樂雖由心生借境乃舒暢名位身外物對酒何須讓春明百萬
家樓臺麗且壯惟有淨業湖水木頗幽曠平臺三五間插雲枕
湖上竹井籜石翁會此發高唱我亦題詩展好景苦難狀當場
勦敵逢捲旗焉敢抗主人觀壁上神采忽張王湖烟入尊瓊綠

微秋意釀遠山一角孤高柳天半放歸雅趁夕陽晚林任夷宕
造物詎有私茲獨我輩賦心間百裏叙高懷謝塵障鐘聲響蕭
寺燈火隔橋望

思元道人畫蘭竹見貽

蘭草喻幽人竹筍況正士高齋寫贈我陋質安足擬暑濕益愁
病閉門種菊杞地僻車塵少朋舊阻秋水苔砌百蟲鬧茶竈孤
烟起鐘聲響南樓黃葉落不止天上明月光沁入肺腑裏放筆
畫蘭竹蘭竹不在紙湘雲江雨中翛然遇彼美塵垢爲掃除參
觀得妙理願持清淨根耿介報知己

八月九日胡蕙麓大令邀同謝薌泉侍御出西直門憩

松泉寺相西涯墓址蕙麓獨往西山視木石謀爲公

剗祠余因偕薌泉至極樂寺復過大慧寺盤桓竟日

西風送敗葉，淒絮打馬首。青豆雜紅秫，糾結寒村口。荒田積秋潦，灑灑作泉吼。棄馬步高隴，寒綠散衰柳。小謝感舊遊，花竹別來久。入寺不拜佛，據案先呼酒。清狂發薄醉，叱僧如叱狗。胡侯腰腳健，片刻西山走。丹霞繞衣袂，白雲隨腕肘。登岡度夕陽，高下胸中有君子。一舉動，凡事期不朽。我將把秃筆，大書曰某某。

讀書秋樹根圖

竟欲此間老讀書，何所求。青山黃葉路，高樹夕陽樓。一客坐無語，百蟲吟不休。松門守孤鶴，問字有人不。

題姚春木

椿

長江萬里圖記後

天荒石破青地絕，水吹綠人心耿不死。湛然方寸燭區宇，一浮漚古今幾轉軸。詩書鬱填胸，江山紛縱目。此筆鬼神秘，君乃操之獨。昏崖疾霆走，虛澗秋虹縮。五嶽力穿透，百怪隱懼伏。君卻

拙布帆斜陽新酒漉趁月撈魚蝦冒霜翳松菊耽幽出至性詩
籠裳尤酷春明甫卸鞵先問西涯竹

君昔試橋門逸氣翩飛鴻伸紙疾揮酒花雨吹濛濛萬滴珍珠
泉一氣迴天風我時眩五色獲此心怡融傳寫石鼓旁三舍春
燈紅且暮上騰躍何事傷萍蓬豈知世神物動必摩蒼穹沙灘
瀛洲波歛息來從容振衣白玉堂矯首丹霞宮俯視里巷兒但
作號寒蟲

題亦舟廬

何必浮江湖始許一帆剪十丈秋烟中扁舟繫清淺墻腳隱紅
蓼石根清寒蘚風戛新篁聲依約輕撓燃林梢吐微月涼影檐
頭卷爐香淡不波花氣隔簾沁蒼葭白露間有客歌清沔

樂雲道人以雪月書窻小玉印見貽

雪後見月月倍明月下看雪雪有情
雪耶月耶兩無約清光卻射讀書閣
前身恨不爲梅花稜稜傲骨埋春沙
壯心只合詩中老冷淡生涯差覺好
道人貽我靈山脂寒雲黯淡青蟠螭
良工斧之更琢之我將奉此志孤潔萬
古空山伴冰鐵紙帳春風吹不裂

書思元道人風雨遊記後

風雨從天來文章自我作興會所已到
妙語非雕鑿往往山中人始能具此樂
道人清懷翩翩謝塵縛西峰一片翠野
風吹欲落蕭帽湖雲低葛衣花氣薄遠
綠孤蔕滄新影榆槐拓四山積烟霧回
首前路錯冒險度危橋禁裏坐草閣燈
光散昔影濃墨苦難著蕭疎祇數筆鋪
峭見巖壑內充外自足神全形可矍文
潔復畫幽引我到岩脚蒲屨聲聲彷彿
來猿鶴楓菊逞丹

有素堂詩集卷之二
七
黃我亦踐良約

九月三日曉出阜城門慈惠院早飯下葬之便遊山

良侶不易得好山欣共往出郭剛半里已聞柵葉響寒蔬供僧
厨秋味愜心賞秣馬還飯僕都作出塵想詩瓢及酒椀芒屨更
藤杖南嶺紅日卓照見路如掌

芭蕉村道中

悠悠三十載重訪白雲隈山色青如舊鬢絲霜已催深林古寺
出淺草夕陽來秃筆知何用名心亦漸灰

望石選山

峯缺樹益縱樓破鐘尚打細雲澹石色微颺逗秋影山水結巖
崩草木皆清警果園沒荆蕪佛塔聳西嶺借問采樵人玉泉可

修整

明武宗微行至石選山
玉泉亭經數日乃還

渡桑乾河

沙漲氣漫漫危橋跨急湍野風吹水大白日照人寒荒草鷹平
度秋山馬細盤回頭窈塵境獨立蓼花灘

由奉福寺度羅喉嶺晚至潭柘寺宿

秋山旣入眼舉趾忘勞苦村烟與樹色各挾奇情吐殆已鬱之
久修容待我睹萬緣不相奪峯峯自媚嫵孤鳥翠明滅幽花紅
仰俯一路竹興聲伊雅似搖颺招提我別久會面成今古蝙蝠
出簷飛蟋蟀向人語佛堂一枝香猶縈舊時纒循竹步虛廓濛
濛翠如雨

瑤珎亭

入寺山忽低閉門天亦換四圍蒼玉色詎厭百迴看胸中塵俗
氣竹風爲吹散衆綠收一亭日影不能亂暗泉無急聲白石浸

已爛山僧掃殘葉勸客歇亭畔

晨起過紫竹院

緩步青松坪遂至紫竹院
風吹片雲墮濃壓清涼殿
九朵芙蓉花青蒼隱不見
老楓遲薄醉作意霜姿炫

少師靜室

俗慮時一空炊聞水激壯
寒泉爾何事出山百不讓
昔年姚少師曾此寄閒曠
借問緇流中幾人病虎相

龍潭

泉從山下出茲乃漚山頂
岩竇僅涓滴瀟瀟遍諸嶺
疑是龍所噴膏澤施俄頃
洄洑復瀦蓄終古蘿逕永
萬緣分一石涼日散天影
秋痕破蘚花霜氣聚楓癭
濁酒澆熱腸煩惱何時屏
壘來漱幽深齒牙頓清冷

蓮池

窮力陟東岡散步造西谷丹林隱一庵疎風動叢竹蓮花已歛
萼池水含空綠殘菰尚聚魚幽草時引鹿隔澗望佛廬鱗鱗萬
瓦簇欲枕石頭眠僧報飯已熟

青蛇

昔聞二龍子名著大小青蛇蜒佛殿前日聽僧誦經願滿挾風
雨頃刻歸東溟子孫毓繁衍寄此秋泠泠我循梵唄音養秀髮
羅廳風散石壇花殿角猶餘腥

延清閣晨粥

竹色迢遞來綠糝粥盃內清涼沁肺腸無處留濁穢輕霧解樹
腰薄曦轉山背詩瓢儘空濶滿貯西峯黛一路吟哦聲小犬隔
林吠

度馬鞍山至慧聚寺

望之秀蔚然行矣窈窕極突雲迸山脇暗霞穿鳥翼一路踏寒翠日高幡影直松柏散新綠自雷太古色鐘磬敲逾靜鶴鶴喧不得獨憐草根蟲向陽吟唧唧

戒壇古松歌

是誰削此蒼玉幹萬古厓風吹不爛陰森百丈寬十圍鳳凰結

巢胡不歸

九龍松

出土便作臥龍偃鱗甲之而氣深穩鋪雲貯月

青濛濛以手撼之聲瑤瓏

臥龍松法動松

餘松皆是千年物惟此三松

尤鬱岫蒼鼠噉子鶴守門病衲晒日俛秋根我來當頭覆寒綠啜茗一甌香心腹何年拔宅芙蓉巖團蒲方丈秋燈圓支離叟導諸君前高吟狂飲休參禪醉後便藉洪濤眠

登千佛閣

水聲萬葉聽未足千佛閣頭秋藹曠東林酣碧西林黃樓臺倒
掃還斜陽石磴蘚濃立不穩倦遊我欲隨鳥返隔山一縷樵烟
翠餘青綠自林中開僧房簇簇若居井我身却在萬松頂拂雲
百折客告飢僧言松腳茯苓肥

遊化陽洞登極樂峯回憩慧聚寺出花梨坎宿奉福寺
峯居萬山巔洞出峯之脇天驅碧蟾蜍龐然圍岩峽支頤噴古
烟晚林風恰恰捨命探幽險燎麻負盞鍾腰腳學虺蛇聲音宛
鶻鴨初轉軸力猛漸縋梯徑狹陰風起地底水聲當頭壓平生
仗忠信到此亦心怯攀蘿出深黑坐與紅日狎盧溝浮片綠迢
迢接寒峽霜摧梨栗墮知我餓兼之歸途趁夕陽苦茗容一呷
禪房楊已掃新月雙梧爽

由奉福寺渡河過皇姑寺抵翠微山三山庵久坐歷大

悲寺至龍泉庵

欲遊翠微山五更我先起霜氣侵衣袂四山欵已紫車行犖确
中秋夢冷如此便過皇姑寺殘碑殿廡圯巍然剩破樓孤立蒼
烟裏亂石格馬足蹙躡行五里叩門僧雜引一軒宛舟藤三日
所歷境遙遙皆可指幽潔茲爲最規模稍隘耳宛轉踏黃葉得
寺便欲止回頭前境換冷暖不移暑誰撥玉琴聲流出龍泉水
龍泉庵啜茶果畢遊香界寺

僧知客已憊蒸梨更煮棗孤亭聊憇息仍欲諸險造招提挿天
半石逕白雲遶虛澗追渴復層巒侶飛鳥豁然寒霧朗樓臺出
林表天光徹廊廡溪聲振松篠從此車馬喧不復清夢擾

寶珠洞

行到翠微頂翠微全在下峭壁不洗濯孤青自淡冶山巒石上

來暮色天際寫土竈然松柴放出烟一把

龍泉庵孤亭據松泉之上同人聚飲抵夜吳穀人侍讀

有詩次韻

西山日在望今夕始追歡微月隱松色秋泉生夜寒江湖余獨
遠蒼巖此偏難清磨一聲響佛烟吹石闌

翠微山晚步

嵐翠高山仍秋雲此夕增松間初見月竹外又逢僧淒切憑蟲
語光明放佛盞生平鮮依傍卻仗一枝藤

宿龍泉庵呈同行諸君

想編龍泉聲開門月滿地風從松際來吹落衣上翠佛燈暗復
明僧藉黃葉睡石屋吟詩聲增我打包愧臥雲豈不好無術矢
獨寐諸君騁清懷道心何所寄酒氣散四山丹楓先我醉

曉起吳穀人汪杏江再和前韻疊韻報之

茲山僅一宿原爲再來地豈知我胸中轉蓄無窮翠兼之黃葉
聲打門不能睡挑燈續殘句清妙殊有愧殿上木魚響倚松託
薄綠僧餉蔬果至澹懷霜味寄醇醪可弗嘗山光飲已醉

秘魔厓

漸聞流水聲適有松風雜滄然秋一泓菊杞香匝而欹帽秋花
看兆煥夕陽踏石几隱殘墨滴滴岩翠沓但具出塵想奚必作
僧衲累我果何物詩筒與畫楮

慈壽寺

望見窳堵波認是慈壽寺荒荆翳殘瓦寒苔澀斷字九蓮不復
花猶傳夢中事如何午時鐘不響三摩地徒令遊客來松間謀
一醉紅桃開半山我當策蹇至

摩訶庵

鶴老慣守花鳥倦思棲林松檜雖殘風過猶成育白石淨如
拭惜未攜瑤琴飄飄杖履間猶帶西山陰
雙扉日緊閉秋菊禪
房深我欲借僧榻何日抽朝簪

出山別盈科上人

松間一相別淨綠飲何年馬亦戀山色僧惟稱佛緣白雲秋草
路黃葉夕陽天彌勒一龕共誰參玉版禪

留贈潭柘寺月朗禪師

老僧一無事抱石山齋眠夢掃九峯翠心清百道泉潭閒坐終
日龍去記何年偶爾拈花笑真能破俗緣

立冬日超味辛約同兵穀人鮑雅堂汪杏江謝菊泉張

船山戴金溪 敦元

亦有生齋消寒卽席次味辛韻

霜氣遠林肅寒葩色孤展柳巷積潦衝蘿軒荒鮮踐遂覺溪上
風到此吹亦善刻爛僧宿煙道呼終不免境險造道深心平出
語淺光景取現在何事微故真遊與託比卽嗟誰煠燿辨味辛約遊
山鐘聲斷春水幡影指秋幘塵俗癯無術坐待山靈遣在在有
衝泌勿笑漁翁洒蒲芳吏鯉肥草堂濁醪餒薄買陽羨田清夢
梅花藏

韓旭亭居粵東時其尊甫補瓢老人香山梅花嶼空月

軒諸詩并錄陳需齋

汝州

徵士記文冠首王叔暉

學

浩

孝廉作圖余綴詩紙尾

羅浮幻清夢吹落香山岑空月淡無着滿地梅花陰椒畦半甌
墨寫出雲東心石氣自然青外垢奚中侵松篠水烟閉鳥蘿春
可深湖光與樓影尺幅供追尋豈有天籟發弗協風泉音側聞

補瓢翁日撫無絃琴

夜間雨雪甚大晨起胡燕儺大令邀遊極樂寺候翁單
溪先生及吳毅人趙味辛張船山皆不至禪榻話舊

抵暮始歸

雪聲續雨聲山風隔夜送林葉催鴉起朋東促驢輕出郭披荒
寺初日松梢凍老僧鐘磬廢清畫杞菊弄客久困塵鞅暫來懷
抱空城頭雁飛滅石根蟲語閒寒鬣萬竹淒烟暝一鈴動宛坐
江蓬底翦燭話詩夢

偕吳毅人汪杏江謝薌泉趙味辛張船山姚春木於鮑

雅堂齋中消寒分賦飲中八仙拈得汝陽王璉

居高身益危處熱心獨冷迢迢花萼樓大被承恩永友朋結緒
賀山水愛箕穎黃塵抗烏帽古月抱秋影香蠟浮樽遲渴虹投

淵猛恨我非酒人客中坐如癯猶得稱頌仙霓裳詠俄頃

題關山頁句圖送莫韻亭侍郎奉使瀋陽

君詩得自天似不關閩歷何況此行役

龍命山

帝錫霜月警清曉奚事佳句溯山光與海色雪霽塵谷滌尹邢
詎相掩目成結幽靚風從天上來冷翠落松櫟關頭青萬重瀟
瀟馬頭滴殘夢續晴日午亭黃葉激倘逢金遼碑漬苔煩手別

夢禪居士倣香光卷子

好山何處無妙筆不覺有偶然參畫禪萬壑秋雲走風霜老櫛
樵烟翠飽菘韭借問荷鋤人梅花栽幾畝

王子卿澤孝廉作詩龕圖索詩爲報

萬山收尺幅烟綠着未滿遠勢欲浮空放筆嫌紙短茲龍木湫

幽寫出極虛窅凍雲皴幾層青不礙篠簞松枿石際寒色蕉雪中暖嶽色恣冥搜江風許密敷草木見天大鷗鳥覺性散豈有藥鑰在吹嘘到腑脘春花北郭紅騎驢來緩緩

消寒集吳穀人庶子有正味齋題葛洪移居圖

先生愛山不愛官先生鍊心如鍊丹有妻有子詎違俗忍飢忍寒吾意足羅浮雨過香濛濛四時不斷花青紅婢理藥鐺僕壘甕顛風出林月孤送烏雞黃犬聲相聞葛衣席帽圍溪雲我有薄田久荒殖一髻青山買未得十年飲水西涯清隨人又聽鐘樓聲卑官倘許乞勾漏我亦飄然侶猿狖

消寒集汪杏江芥室題華嚴世界圖

吾不通釋典難下華嚴注聞嘗肄風詩或弗礙禪悟一無所依傍自恐岐途誤入彼門逕中又怕爲禁錮惟有大智慧百年齊

且暮非想非非想頭頭是道路古月明至今春花紅幾度空山
日靜坐歷歷悉其故三界與四禪淵然方寸具萬感幻生滅孤
燈耿去住達人隨遇安何喜復何怒天上驗有無舌間說名數
究竟意云何吾但了章句

緩步

緩步不妨遠獨行偏覺幽斜陽下西嶺清磬起南樓萬葉綠和
暈一蟬吟未休山厨香飯熟飽喫復何求

燈下讀楊蓉裳

芳燦

農部芙蓉山館詩集

才大兼衆妙含咀味始出瑰瑋詎貌爲語不貴拾掇襲取皮與
毛久且性情失君詩得自天稜稜一枝筆六籍聽驅使碑句成
聲律世間散碎詞偶然爲絲括塵垢立泐板精神頓振拔萬朵
芙蓉花青山列秋日隴頭梅細吟關外馬屢秣磨盾檄草就鸞

孤錦袍奪孤城百戰經廿載情偏悉春明告朋舊僅此詩盈帙
髮鬢嗟蕭騷文章驚老棘家氣未掃除嘉會卜真率特愧持筆
卮難驟合饒飯苦岑釋同異風水現活潑雲鶴自高唱寒蟲任
噪聒南樓起鍾鼓北牖響松栝敲冰磨墨丸凍月催燭跋

吳穀人汪杏江鮑雅堂謝蕪泉趙味辛張船山姚春木

集詩龍消寒題新篔白石圖分用唐宋金元人題圖

七古詩韻余拈得元遺山題范寬秦川圖

聽雨擁被秋燈前簷撲蝙蝠盤蝸蛭萬竹蕭森倚涼石夢醒如
坐瀟湘船倪生運筆精神全水墨着紙枝枝妍更染芙蓉落几
席萬朵漫自崑崙巔西涯綠暗湖光連門前三里皆湖烟滂侯
愛我寫我照天風吹影心悽然濁穢坐使浣仙骨欲騁霞步難
軒軒詩情浩蕩寄淮海佳人遲暮悲趙燕鵲與鳩借吳不可天

地爲我畱數椽洗苜掃籜邀諸君沙平路細衝溪雲畫圖詩卷
生平親米顛未改愛石癖坡老詎是食肉人性之所近自成趣
桃源何必真避秦瀾勒同龕吾所聞

臘月十九日集汪杏江芥室拜蘇公生日卽爲消寒會

用東坡八首韻

我居淨業湖湖上多蒹蒿日夕涼露泣採摠忘勤勞回頭顧僕
夫畏難已潛逃我循長松行以鍾翻土膏雖弗惜筋力惟恐傷
髮毛加餐樂有餘奚事求名高

楊柳非佳木清陰我自適晚風吹青蒼秋雲增蜜采香飯熟鉢
中過門不肯乞饑餓忍暫時半生得曠逸我躬尚弗恤何況問
家室綺霞西嶺沒皎月東林出一年復一年光景總難必

幽居許借棲山光綠城背入門先種竹無病且鋤艾閒招雲水

儒偶卜真率會哇叮謝古人機杼出大塊偶然發竒想舉頭已
天外顧闔食蔬筭必欲取精蓄一飲與一啄中有因緣在何須
乘長風坐噉江魚膾

春明好風景城北可歷數風定鐘鼓聲波晴鷗燕語藕花與菱
葉錯雜烟中舉更有老柳條搖青垂萬縷時來江南客席帽藤
杖拄貪涼待新月露氣濕如雨迸起紅鯉魚乘將綠楊鴛吹火
理羹湯水香猶鼎土客雖戀尊鱸此味或心許

官清祿弗問矧復田園荒兒子方九齡成立心相望五十齒搖
落髮鬢已半蒼我肯趁晴日坐見圭緯昌願爲信天翁怕作鱗
籍羊青天窈白雲富貴久矣忘

出語誠文飾下筆去雕斲久諳世險夷但勿改忠慤天地本無
私澗壑任冰雹卑官乞勾漏我非不願學雄心苟有託丹心遍

五岳自古真神仙襟懷常皦皦石青凍不死松色雪逾澁相期
二子各守山一角

春坊兩庶子秋夢繁江村鮑謝擅詩名風流傳肯垣國士推張
趙尚書宰相孫姚生後起彥鼓篋來橋門懷抱各自喻肫然真
意存相見交最勉歡意託魚殍薦蘿施松柏要當一氣論晚節
克終保豈不賴諸昆

江氏盛科名三代五十年愛客因家法罔惜買酒錢萬卷擁自
足寧復求良田瓦燈澹紅燭竹榻仍青氈傷哉王局翁沒世乃
稱賢我讀斜川集氣象誠萬千

除夕願張庵畫祭酒圖見貽卽題幀上

北風獵獵城頭呼門外索債聲同癡我但閉門學賈島星斗分
光壁殘檠排比日月從頭編兔魚已得忘蹄筌雖然做帶千金

享嘔血斷髀幾竒想人生快意祇有詩推敲誰是韓退之顧生
工詩復工畫忍餓長安從不賣儵然往來惟詩橐自出手眼彌
勒參爲寫長松及修竹異書堆滿三間屋山雲水月費雕鐫肺
腸瀝液傾芳妍何若功成凱歌作新樂府製凌烟閣生也搖筆
榮生花吾亦好句輝雲霞鬼神慎勿掣吾肘吾酌鬼神漿與酒

存齋詩集錄存卷十一

柏山 法式善 開文

辛酉

元日試筆

亦領神仙俸不愁饑與寒有年九州福無事一家安隴蜀干戈
息江湖歲月寬勞深青鬢改長葆此心丹

朱閑泉

壬

自杭州寄詩龕圖至己未除夕前一日作也

閑泉自向杭州住却畫詩龕寄我來正是祭詩前一日春風吹
信動江梅

愷之新寫祭詩圖著墨不多風格殊爲告烟篷釣詩客西涯那
得比西湖

贈孫少白

琪

布衣

湘南雄傑才十人我識九君歷遊江淮困頓風塵久策蹇來長
安先訪西涯柳胸填萬卷書下筆靡不有伺至屢窮餓殘年斷
脯糗我無薦賢方坐視空引咎識管抱微尚說項未住口誰與
九方歎虛心辨牝牡勸君入衡岳看雲日飲酒飽讀有用書上
與古人友

答孫鑑之延明經

烏絲寫細字翠蘭明丹髯讀罷視相笑膠漆情交投君刺江南
船冒雨來盧溝何以詩勸詩一一君剔搜生平不飲酒燕市無
歌謳佳句偶爾得落紙風生漚愛重遂逾分自顧殊增羞君固
有心人下筆輒弗休瓣香奉坡谷樂府周秦儔關隴盜賊平計
日鞘戈矛淋漓製鏡曲宮徵諧鳴球雍容步玉堂看我朝繡抽

贈胡香海森大令

君是種梅人復愛梅花寫揚州月
下看臨去不能捨兀兀來春
明夢中覩芳治君甫入都即得此
公後墨梅一軸橫斜壓故紙
香氣吐荒野君乃寵以詩
老梅愈嬌姪我惟羨且妬
題句慚大雅君詩追杜韓
弗窺唐以下淵然有性情
詎屑事樽播借問邗上人
一代誰作者

答吳竹橋

風雪上元夜展君中秋書書中及瑣屑
欵欵情思據君有好兒
郎萬事可以諫冬寒氣凜冽不擾
梅花廬抱甕寒泉搜負未明
月鋤墻根迸新笋溪尾來鱖魚一
飽更無事詩成惟笑呼

我日趨史館竟無利那暇形勞心
頗逸書生習氣化靜坐便有
得窮餓亦不怕踏來深閉門
沐筆誠嘲罵荒田止百畝未能了
婚嫁奇書幾篋存欲買却無價
竹樹樞蕭疎清陰最宜夏軒屋

取幽潔可以十年借

近借徐鉉秋同年宅約十年還之

題白石翁移竹圖後

前身我是李賓之立馬斜陽日賦詩今向河橋望煙色一陂春草幾黃鸝

水流花放自年年誰有閒情似石田幾筆山光到秋竹盟鷗射鴨晚涼天

上元後一日雪鮑雅堂喬梓招同汪杏江喬梓暨令姪

覺生小集

風鈴簾際語月凍紙窻裂曙鴉鳴未已松梢啄殘雪展聲忽在明妙人素柬拆糗脯謀中饋展作上元節老驥久踰伏雛鳳一刻我似春江鷗天性愛幽潔酒痕雖澹衣腹未沁辛冽新詩脫口真偽已區別當仁例不讓吐詞誠醜噎樓鐘催客歸坐

惜風花瞥新泥踏滿街市燈紅未滅

阮芸臺

元

中丞寄段二端經籍纂詁一部

冰雪隨冷官十年裘未換乃蒙憐范叔遠寄錦繡段中有纏綿
心江風吹不斷復念我耽吟經史資淹貫枯腸力搜索燈火恒
夜半清風千里來春雲一階爛擬盡典貂褸抱甕菜園灌

君今任封疆何暇弄楮墨吾聞古書生厥功在社稷操尺遂秉
節兩浙仰名德人人皆飽暖誰甘爲盜賊補偏卽救弊大臣此
其職春風無所私被物有餘力結習或未忘江山亦生色

偶作

非是寡言笑我懷人不知春風吹柳色湖水綠生漪因共忘形
友長吟漫與詩東坡和陶句豈止妙文詞

春雪後招同人小集詩龕用韓旭亭和東坡韻

三日未出門湖水綠已長誰是盟鷗人冒寒盪孤槩雪色積城
背草痕益春壤西山判袂昨南軒日企仰良會適然得先期不
能想文章攬衆妙烟墨匪獨饗往徃人所棄我見輒心賞天曠
自成籟山空時一響詩龕雖荒陋客至每抵掌梨棗足盤盂吳
事大烹養

韓旭亭遊西山歸傲其宗人立方洗馬故事作圖徵詩
遊山事常有茲遊乃稱罕難得十三人各各詩筆悍山靈解娛
客風日出晴暖東老興尤豪詩篋歸已滿蒼茫感朋舊曰雲天
未散前輩不可追故事君家續作圖紀登陟索句吐恐欸或待
桃花開重爲洗酒椀白髮與青山總是風流伴

贈盛藕塘植麒上舍

我於李賓之曠代默相契作文存厥真知人兼論世秋雨槐花

黃生也來角藝酒酒數萬言匪僅炫藻麗

余以李廣之論評多士按生文爲第一

落筆千丈強中實能斷制顛風屢鏃羽此才竟淹滯學問漠泮
寬執一則有樊願君爲通儒文章更經濟

寄懷汪劒潭

端光

司馬

君本神仙姿十年餐首宿全家勾漏赴丹砂倘盈谷行見蹠纒
客縹緲桐山宿胡爲鬱鬱久慣作窮途哭琴鶴典已盡硯穿筆
亦禿妻孥屢告饑先生一捧腹

憶君出都日我方寒閉門未能造盧溝作詩侑清樽相憐遂相
念悽慄傷心魂粵西山水佳風俗古拙存剪燈榕桂間句法從
頭論及時保令德邊計飽與溫

兩郎卜成立氣象果出家橋門昔踟躕人稱大小鳳聞今益折
節不復矜吟弄空山下鶴書交柯玉堂貢君仍渡黃河沙暖甃

鹽控重對詩龕竹一聽春禽哢

唐容齋

唐模

自莫竇齋

晉

學使署至京述學使意存問

感賦

鳳凰鳴朝陽世皆仰靈瑞方其草澤棲幾以凡鳥覲君昔歛光
采我早識竒異至人貴無名君子乃不器余官祭酒以君子不
器爲課題學士舉首
副學士登上第以此題爲先兆云云方今制舉業世推君獨至我謂著作才詞華
特餘事

不接汾陽書忽忽將一年唐生

容齋

齋款我門致語情纏綿謂君嗜

朋益故舊尤拳拳論文及爛跋猶戀寒時氈此念久弗渝可以
爲聖賢太行不了青繚繞槐街烟

久不接初願園同年耗

小別已二年相隔復萬里此在尋常交眷念猶弗已况君知我

深寶自入官始文章苦切磋道義藉礪砥同榜百六十獨君躡
雲起洱海在天南民俗夙知止虛堂日高坐岷庶咸就理草木
自榮瘁春風何彼此巒雲深復深無事斯爲美大臣一舉動人
人測意旨而我臥茅茨操筆輒忘俚一飽遑他求逝者東流水
鄭青瑩 光謨 大令以大集見示

我讀青瑩集知君詩人裔下筆取厚重論史出斷制生平忠愛
志攄向干戈際書生坐蓬廬瞭然睹萬世自古除大害不必別
小弊盜賊亦人耳人心可激勵此理通諸詩溫柔消疹戾妖星
大風掃青天明月霽君當聽鐃鼓鏗鏘凱歌繼

寄懷陳師山 鍾琛 觀察

我公古循吏矧復家學傳綺歲登賢書作今來幽燕直聲動中
禁行卜儀鳳翩豈意安籠池徘徊四十年至今嵩洛民知公不

愛錢昨冬蒞京華訪我城北徧生平未謀面一見遂留連世味
我久薄朋友情猶牽五嶽不能到此意何人憐端居出奇交
盡一代賢聚散總難必風雨吟成篇

熊謙山 叔 侍郎示詩龕圖歌賦答

宿霜散晴日綠泥釀春澇城南枉尺素意真詞典奧詩龕本無
有託名永吾好公乃徵諸實罕譬更深導神山最縹緲可望不
可踏豈可踏平地堂堂都能造公雖喻言耳我則奉忠告司寇
職平反何暇寄嘯傲結習未能忘下筆氣排暮蒼茫風雨感慚
愧瓊瑤報

謝蘇潭中丞札來索詩

春風陋巷嘯積雪松根輓草堂但荒雲碧凍隔年薛共隱烏皮
几清談飲新薺月上盧溝橋回首詩龕晤好句遞蘇齋憐才忘

貴顯

公出部有見寄詩

淮江水清駛虞山峰宛轉桂丹榕綠閒士知經

術闌公當關轅門禮樂恢邦典浸假詩書氣雍容化愚偏公惟坐一室筆墨自研吮我前所寄書緘篋可曾展望公黜竄之中尚有訛舛

送李舒園

元滬

之任清泉

聞說清泉縣家家住翠微月明無雁到春暖便鶯飛烟綠不粘屐水香多上衣最宜斜照裏穩坐釣魚磯君今彈玉琴聲在衡州陰九面青山色三年赤子心要期化頑梗不必詡登臨如此稱循吏方知經術深

寄衡山令范青子

鶴年

同年

范侯方髫齡得句驚比隣石農

李觀泉

時語我此才今罕倫芳

蘭散幽澤欲佩何由紉豈知岳麓雲歷劫猶輪囷西涯一滴水

遠溯茶陵津君識楚才多當爲面命諄詩教辨雅俗慎勿淆偽
真

李舒園赴清泉任寄秦小峴廉訪

君序及見錄文派衍韓歐此藁今未成懷舊增赧羞却仿顧阿
英玉山雅集修比似耕漁子

徐良夫

用意進一籌果民水繪園好

句同人投閒嘗爲取之縑素鏘琳球精神萃一時義惟親切求
於我若無係佳什無由收起例雖甚嚴積久且汗牛要以人存
詩匪曰關選樓君或艷其事點筆疏源流

杜公南岳詩集中傑出者若求氣體工必致性情假卓哉茶陵
翁雍容扶大雅君今履其鄉當爲設尊尊遍告岳禮賢公墓屋
已瓦年年六月九祠門塞車馬子規不復啼老泪自盈把生平
忠愛心一一詩中寫我文匪定論要自異擗摺君首序斯集此

事何妨嘜

李侯至性友經史夙研究千言人不了彼能一語透外貌鮮修飾其中特娟秀昔年贈友詩頗糾作令謬今已自作今必克蒼黎救君當掃閒軒招使雅音奏花竹澹心與乾坤清氣留瀟湘秋水生斜月一林瘦香草不在多君子有餘臭

徐朗齋

錄慶

寄玉山閣文集至

讀書習戎馬倥偬干戈地生平所期許未必卽此事轅門豎義旗盜賊不敢至想當藉詩書積漸化險詖文成玉山閣取境極幽邃肩東諸老輩下筆無此粹史館余四入三長殊抱愧手腕竟欲脫日得數百字洪雅甫揚天一方一緘末由寄濛濛雪堂春千里渺烟翠

屠笏巖

紳

過訪

知州升通判此事前無聞君畧不介意看花兼看雲券驢過盧
溝長安來賣文或得補一官當亦君所欣胸中萬卷書奚能救
困貧昨冬訪詩龕正值祭詩辰酒酒口懸河睥睨旁無人青山
久跌宕白髮仍鮮新胡弗勒一書典章名物陳倘藉遷固筆力
挽淳風淳不然飲美酒遠希葛天民宦海原蒼注何必傷沉淪

袁雙榕

詞文

訪劉松嵐於寧遠州署旋都出遊東壯遊

圖松嵐既蓄五十韻余亦續作

君從桂林來衝此松間風五年倏兩度駢馬東天東使墨如使
劍遠勢尤能工借酒筆力出一掃雲霧空丈夫負奇氣焉肯囚
樊籠冒雪出巖關行李何匆匆劉侯君所師循吏而詩翁贈君
五百字一串珠玲瓏百里蒼生救松嵐此語何朴忠凡百厚責
已持論亦至公吾詩乏藻采又窘偏師攻相期勿因循意與劉

侯同率連綴紙尾藏君懷袖中

和蘇東坡 并引

東坡四十九歲有和太白紫極宮感秋詩蓋太白有
四十九歲非一往不可復句今余又和東坡才德不
逮情事略同二賢其鑒我乎

北地無梅花繞屋種松竹歲晚彌鮮新寒綠滴可掬延賞豈無
人嘆息乃余獨緬昔李與蘇一代老名宿知非四十九行藏實
自卜我惟坐茅簷春風一年復誰能採玉芝手撥白雲覆忽報
園中韭午陽晒初熟

久不接唐陶山明府書寄問

折柳去江南吾詩可徵信

君榜下以知縣用余題聽鶯卷有折柳春明城携向江南綠向後果得江

南黃河一道水渺瀰阻芳訊七見桃花開捲簾雙燕進春風何

所私霜雪盈我鬢衰懶日益甚閉門筆墨峻蒼茫念朋舊青雲
各騰振行當師耕夫荷鋤明月趁君乘五馬來過橋幾柳認

余夢至一山四面皆水松竹雜植猿鶴相聞與穀人味

辛談長生術抵掌賦詩醒後頗記憶之邀二君同作
四面江聲一柱山松濤竹籟鳥聞關厨中水火無生滅壺外春
秋任往還挂樹野猿偷果悄守門老鶴晒翎閒神仙自愛清虛
住那肯隨人涉險艱

得徐鏡秋粵東札

同第遂同館而又同鄉井升降每倚伏銷鑠兒骨鯁賤子鶩駘
姿伏樞宜莫騶君固冀北良乃亦困簿領茲或借長風青雲起
南嶺富貴適然值弗關人造請我已榮辱忘何必城市屏女心
苟有法不在無人境行事日益拙作詩日益警空言究何補一

笑忽自省

我年四十九君年五十二橐筆趨金城各抱經世志相期廿載
後畢夔可立致豈知天所爲有軒必有輕淺深厚薄間惟視人
才智君矜腰脚強宦場稱健吏後房一再索得男非奇事我髮
已種種蒲柳易顛頽兒子方九齡略辨爾雅字擬俟五經熟吾
當一官棄

君家老瓦屋秋草年年荒槐花及桑葉掩映成青黃我時際微
月倚樹攤繩床飛出北山雲片綠城頭翔風約來虛亭添我衾
枕涼忽憶珠江頭夜靜春花香浮樽綠蟻影照髻紅燭光可念
茅屋下聽雨聲浪浪人謂揚雄宅庾信居相當幽棲貞十年無
病貧何妨

寄懷王穀膳崇安同年

治吏範氓庶治書陶秀美蕭山毛西河氣雄才跡弛當時鴻博
中首當風一指傷哉門下人未能闡微旨我友王夫子篤志窮
經史自捷南宮歸足不出鄉里生徒列北面如坐春風裏涵濡
二十載花開盡桃李我亦循鱣堂教習十年矣君肯抽一帆北
渡黃河水我當掃桐軒爲設烏皮几生平未信書煩君手校理
二月十一日胡蕙麓大令邀陪翁覃溪先生暨諸同人

極樂寺早飯抵畏吾村勘懷麓堂廢址

春雲爲養花三里覆寺垣繞寺萬陂水上烟猶昏丈人先我
至早歇林中輾生早花窖氣候幻不寒亦不暄暗香沁肺腸
坐人怡心魂胡侯雅好事花下開清樽茶陵舊松楸綠散畏吾
村紙灰三百年不曾吹墓門一時賢公卿欲薦西涯繁行見懷
麓堂風雨三間存我願學耕夫荷鋤循隴原暮逐牛羊歸朝同

燕雀翻佛堂鐘磬寂草木情忘言

盛甫山舍人詩畫皆有逸趣懶不爲人作余有求必以

詩易舍人索余詩喜賦

君畫日益精吾詩日益曠欲以詩易畫毋乃不自量士爲知己
死此語匪過當知君豈易言筆墨天所放靈氣借手出掃去古
今障淵然足內美弗學世花樣一波與一折水墨資醞釀吾願
秀色餐脫換塵俗狀盟身松櫟間蒼茫嵩華望

汪遲雲

日章

參議和顧改庵看畫詩同賦

吾不通畫理而頗喻畫趣兀兀五十年未辨江南路名山與大
川脩阻何由步緣慳抑數竒竟莫測其故或因詩思刻遂遭鬼
神妬靈境示幻相往往畫中遇卓犖金閨彥天性嗜竹素雲鄉
嗟曠別關心舊花樹清光忽到眼憑空得好句願生殊解事登

樓遂作賦孫退高江富收藏零縑半朽蠹借觀復待價君所賦一書
此理誰領悟吾但喜吟弄看畫如坐霧期君二書成藝林廣流
布秋燈佐掃葉茶蠅驥尾附

永壽庵

隨月趨城偏增鈴響風際高樹淨如掃秋堂雨新霽前年此雷
宿稚松一握細今來憩松間濃陰已覆砌人驚鬢髮改我嘆年
華逝行當滌心慮瀟洒柴門閉

烟郊

人行十里外早見炊烟碧芭蕉響疏雨秋店最幽僻寒泥墮燕
巢殘花閉雞柵遙看一山翠滴從萬松柏我欲踏翠行溪雲幾
重隔安得謝鞍馬跋陀事阡陌

東留村

街頭剝白羊陌上剪黃韭誰携通州餅消此蕪州酒我惟愛山
色古寺憑欄久樹老花不多石瘦致彌醜山月送行客依依出
村口照見柴門西蒼苔一寸厚

虹橋

虹橋臥秋雨秋雨新放晴橋下水鳴咽橋上人送迎此水從何
來當年洗甲兵至今斷刀頭出土猶銚銚白骨積沙揜黃犢春
田耕農夫幸無事曠背依南榮

桃花寺

寺以桃花名春色已可愛况復一滴水澗洑四山內我行樹陰
底溪眼剩秋筆想當二三月十分出姿態且倚奇石根坐閱殘
暑退東峰月既上西峰雲不礙

望盤山作歌贈藹亭

德慶

員外官盤山總管

騎馬夜出三河縣我與盤山初對面松風石氣空中旋非烟非
霧青相連回頭不覺衣帽濕春霧無聲天影襲前峰低忽後峰
高東澗水流西澗遭絕頂指是雲罩寺雲耶寺耶一滴翠我生
好遊亦好閒願喫香飯棲空山羨君萬事不挂眼白髮滿頭酒
在殘今昔蒼茫百感生論詩論畫皆有情自言三載盤山住誰
盡山中花與樹何必買帆去江淮松可爲屋石可齋

鹿行薊州道中

村雞不住鳴殘月看猶在春霧著荒柳綠重黃已改披衣問前
路故人炊飯待老松倚石笑招客涉雲海客豈無雅懷車馬奈
煩殆我今與松約此行實慚悔秋涼到客衣謝絕人事畏寒翠
留幾峰松平勿余給

送趙味辛赴青州司馬任

甘蔗海南植牛乳薊北產自然氣味投詎人所料揀獻賦試上
等君昔多白眼賤子蒙青睞春風託醴醖忽忽二十年握手增
愧赧偃蹇荒澗柳蕭疎雪不縮幸未失舊業一燈事迹撰屈宋
作衙官亦復持手版

茹膏既苦肥食骨復嫌硬君能渾剛柔交者久而敬詎惟涉世
熟脆懇實天性官不判崇卑拜秩凜

朝命側聞恭毅公流風與善政凡事秉家法清光百年映世方
出新意花樣一時競造物深忌才慎勿名太盛

昔年阿文成愛君筆墨灑欲薦直樞密忌者肆詆訐低首試禮
闈不肯通關節鋒鏦雖屢挫心自堅金鐵陽春大地回深澗無
冰雪幽谷蘭芷花獨與桃李別快慰南陔歡且自東州悅多謝
金閨彥慎勿怨蹉跎

我自與君交始治散體文君力主雅正弗事搜典墳五城十二樓何嘗輸與紛真氣自結構隔絕人間氛方謂一瓣香可以時時薰忽然天風來吹君入青雲稷下舊講堂至今期會勤廬陵暨眉山卓卓治行聞官閣松厨開宿醞梅花醺脫稿尙相贈望遠情慙慙

杜梅溪大令與吳竹橋芍藥詩倡和成卷梅溪出示兼索題女史屈宛仙畫

昨夜豐臺雨街頭芍藥紅過江傳好句隔歲寫春風詩裏人還在塵中障已空淡懷廣險韻羨然竹橋翁

宛仙詩畫流弄筆花間樓杜老蕭疎極一官隨白鷗江山託吟嘯風雨念朋儔十里西涯路偷閒半日留

吳竹橋寄詩至次韻

雁飛會未阻江關柳上春歸信已還人過中年工苦語花開三
月慰衰顏何妨酒少頻張譙不願錢多日買山小鳳飛來梧樹
底仙班惟剩我猶頑

望賢郎赴
禮闈試也

杜梅溪登韻見貽依和

冒寒前歲訪禪關黃葉聲多若早還尊萊頻年續鄉夢桃花兩
度換春顏鷗邊雲氣釀新雨牆上詩情戀故山我亦瓣香杜陵
叟却難換骨是踈頑

觀亭巡撫海成園中聽粵東周生某彈琴

此是何處梧桐根斷以爲琴形渾渾大絃小絃清且溫道人生
長羅浮村吹氣猶帶梅花魂書聲曾撼秋槐門心中那有富貴
存指頭一動鸞鳳驚世上箏瑟何足論主人與客俱無言惟聞
萬葉林間翻

送汪杏江庶子養痾旋里

兩年違故山柳色黯江關樓靜月長滿徑荒花亦閒馬循溪路
去鶴識主人還宦橐嫌詩富老妻親手刪

立夏後二日時雨初霽邀同人晨出西直門憇極樂寺
抵萬泉莊遊長河諸寺

比方見山水心目競森秀草木抱城鄙一雨萬綠透晴日苔磴
明遠風麥隴皺言招江南客載酒娛清晝僧寮極幽窈酒村殊
荒陋食肉勝食笋此言或不謬

我雖不飲酒頗愛交酒人鄙懷藉滌蕩爛漫存天真矧茲一代
才各負千秋身相逢復相得終歲難其辰清風林外來吹動波
鄰鄰好鳥適和鳴何知戀餘春

文士愛名與高人志澹泊性情雖弗同要都怕束縛生長太平

日吾自具吾樂停杯看鳥還坐石待花落委心任天理何事費
穿鑿蕭然退院僧安禪勝行脚

天公愛佳客特爲除塵土農夫荷鋤笑昨夜得好雨客皆江湖
人聞言怵且舞我飽太倉粟慚無臺禾補快際風日清賦詩義
有取諸君田間來曷以報田祖

先同人抵極樂寺東謝鄉泉同年

竹外山猶睡橋邊寺已分一鷗前導我匹馬獨逢君花鴨半依
水佛龕惟臥雲多時鐘磬寂蜘蛛鬧紛紛

寄徐雪坪

開德

西江歸棹十三年老去才名遠近傳春水生時鷗導客梅花開
後雪盈巖磨人磨墨兩無礙叅書叅詩總是禪門外乞書閒不
得吳興夫婦自神仙

雨後同人集鄒蓮浦

文璣

水部一經齋看藤花

去歲看藤花方當望雨時
驕陽炙紅霧觀者神不怡
主人情特殷枯腸搜不辭
聊以誌嘉會慚愧稱風詩
今年好雨多草木咸華滋
賓至皆名流我亦操筆隨
老藤殊自矜黯淡芳心持
桃李附炎熱逢場逞容姿
藤也三兩花天矯雲中披
真香詎在多能沁人心脾
門外看花客多向豐臺馳
及問花何似看花人弗知
君子審物理勿被浮名欺

四月四日陶然亭重會已亥同年率成三詩並懷未與

會者

春過二十年烟景仍娟好人過二十年髮髯漸衰老彭義門前
柳陶然亭畔草青青弗改色一雨塵都掃我願隨諸君起閒事
幽討斜日下林遲飛雁渡江早神仙不可爲努力晚節保

嘉會渺難追兩度經九年

癸丑乙卯會兩會同年於陶然亭極一時之盛

曠隔天一方

情慄何由宣賤子鵝退飛君等鶯喬遷杏花開幾回紅猶綉芳
筵生平慕勝侶既往成風烟縮地術何有望雲眼徒穿詩成雖
漫與佳話江湖傳

君子重神交異苔而同岑相彼空山中萬鳥啾啾音各安其境
遇力至遂獨任要知一物名皆具精能心月自東樓升霞仍西
閣沉勉旃永終譽後人方視今

師蒞扉鏡

大令過訪言及做廬卽十年前寓齋感賦

南園不可見君筆似南園

君與錢南園論詩最合余方謀梓南園詩

句法商量後文

章古拙存柳荒難認馬花放易開樽一路看山色

香園

城北浩烟水野鷗猶識君槐高門徑掩沙軟石橋

香園

見十年何所聞浮名吾友愧行欲事耕耘